



Bosna i Hercegovina je puna neiskorištenih talenata

U 3. epizodi mid-season **Besjede o obrazovanju**, Nedim Krajišnik je razgovarao sa Svjetlanom Bukvić o spoju klasične i eksperimentalne muzike. Bukvić je istaknula važnost intencije u obrazovanju za razvoj kreativnosti.



U novoj epizodi među-sezone *Besjeda o obrazovanju* **Nedim Krajišnik** je razgovarao sa umjetnicom **Svjetlanom Bukvić**. Specijalizirala se za spoj klasične, avangardne, svjetske i eksperimentalne muzike za ples, film i koncertnu pozornicu. Prof. Bukvić je magistrirala integriranu elektronsku umjetnost na *Politehničkom institutu Rensselaer u New Yorku*, prvi nacionalni program ove vrste i diplomirana je umjetnica iz kompozicije i muzikologije *Muzičke akademije Univerziteta u Sarajevu*.

Tokom razgovora o profesionalnom putu **Svjetlane Bukvić**, govorilo se o nekim umjetničkim pravcima ili spojevima koji u *Bosni i Hercegovini* još nisu toliko poznati i zastupljeni. Na pitanje kako ona mogu biti dostupna djeci u BiH, sagovornica je odgovorila da je „*intencija izuzetno bitna*“. Škola može da podari znanja koja mogu biti korisna, ali isto tako može i da „*skameni*“ neka znanja.

„*Djeca su po inerciji znatiželjna, i to moramo iskoristiti, a znatiželja je i odraz inteligencije.*“ rekla je profesorica Bukvić. Mladi u BiH su znatiželjni i otvaranjem novih vidika, plasiranjem novih, za njih još nepoznatih stvari, možemo im obogatiti znanje.

U nastavku razgovora profesorica Bukvić je rekla da „U BiH fali, da se onima koji su drugačiji, dozvoli da budu to i da istraže to. A BiH je puna neiskorištenih talenata.“

Na kraju razgovora da se zaključiti da balans mora da postoji i da društvo bez umjetnosti ne može da postoji. Umjetnost je itekako ključan faktor u napretku zajednice.

Pratite ljetnju šemu Besjeda svakog ponedjeljka i srijede u 19h na [Facebook profilu COI Step By Step](#) i na našem [YouTube kanalu](#). Preporučujemo vam da kliknete “**subscribe**” i ? na našem YouTube kanalu kako biste primali obavijesti

Tema: ***Bosna i Hercegovina je puna neiskorištenih talenata***

Epizodu možete pogledati na ovom linku: [LINK](#)

Collections

Autorski tekstovi